

Mga Contact sa Press:

Ernie Knewitz
(732) 524-6623
(917) 697-2318 (M)

**BOLUNTARYONG BABAWIIN NG JOHNSON & JOHNSON CONSUMER INC.
ANG ISANG LOT NG JOHNSON'S BABY POWDER SA ESTADOS UNIDOS**

Kumikilos ang Kumpanya Para sa Higit na Pag-iingat

**Mga Contact sa
Namumuhunan:**

Christopher DelOrefice
(732) 524-2955

*Limitado ang Pagbawi sa Isang Lot ng Mga Boteng Ginawa at Ipinadala sa U.S.
noong 2018*

Matthew Stuckley
(732) 524-2617

NEW BRUNSWICK, NJ, Oktubre 18, 2019 – Para sa higit na pag-iingat, inanunsyo ng Johnson & Johnson Consumer Inc. (JJCI) na magpapasimula ito ng boluntaryong pagbawi sa Estados Unidos ng isang lot ng Johnson's Baby Powder nito bilang tugon sa isang pagsusuri ng U.S. Food and Drug Administration (FDA) na nagpapahiwatig ng pagkakaroon ng sub-trace na antas ng kontaminasyon ng chrysotile asbestos (hindi hihigit sa 0.00002%) sa mga sampol mula sa isang boteng nabili mula sa isang online retailer. Sa kabila ng iniulat na mababang antas at bilang ganap na pakikipagtulungan at pagsunod sa FDA, pinasimulan ng JJCI ang boluntaryong pagbawing ito ng Lot #22318RB ng Johnson's Baby Powder, kung saan kinuha ang nasuring sampol.

Kaugnay nito, agad na nagpasimula ang JJCI ng isang mahigpit at masusing pagsisiyasat sa usaping ito, at nakikipagtulungan ito sa FDA upang matukoy ang integridad ng nasuring sampol, at ang pagiging wasto ng mga resulta ng pagsusuri. Sa maagang yugtong ito ng pagsisiyasat, ang JJCI ay:

- Hindi makukumpirma kung ang cross-contamination ng sampol ay nagdulot ng false positive.
- Hindi makukumpirma kung kinuha ang sampol mula sa isang boteng may maayos na selyo o kung inihanda ang sampol sa isang kontroladong kapaligiran.
- Hindi makukumpirma kung totoo o peke ang nasuring produkto.

May mahigpit na pamantayan sa pagsusuri ang JJCI upang matiyak na ligtas ang cosmetic talc nito at batay sa ilang taong pagsusuri, kasama na ang sariling pagsusuri ng FDA sa mga naunang pangyayari--at kamakailan lang noong nakaraang buwan--ay walang nakitang asbestos. Paulit-ulit na kinukumpirma ng libu-libong pagsusuri sa loob ng nakalipas na 40 taon na walang asbestos sa aming mga pang-consumer na produktong may talc. Nagmumula ang aming talc sa mga pinagkukunan ng ore na kumpirmadong nakakatugon sa aming mahihigpit na espesipikasyon na nakakahigit sa mga pamantayan ng industriya. Hindi lang kami at ang aming mga supplier ang regular na nagsusuri upang matiyak na walang asbestos ang aming talc, nasuri at nakumpirma din ng iba't ibang hiwalay na laboratoryo, unibersidad at pandaigdigang awtoridad sa kalusugan na ang aming talc ay walang asbestos.

Sa loob ng 133 taon, nakatuon ang Johnson & Johnson Family of Companies na

unahin ang mga pangangailangan at kapakanan ng mga taong pinagsisilbihan namin, at patuloy namin itong gagawin.

Kung nagmamay-ari ka o ang isang taong inaalagaan mo ng isang bote ng Johnson's Baby Powder Lot #22318RB, pinapayuhan kang ihinto ang paggamit sa produkto. Para sa impormasyon sa refund, makipag-ugnayan sa Consumer Care Center ng Johnson & Johnson sa www.johnsonsbaby.com o sa pamamagitan ng pagtawag sa +1 (866) 565-2229.

PAALALA SA MGA NAMUMUHUNAN HINGGIL SA MGA PAHAYAG NA PATUNGKOL SA HINAHARAP:

Ang press release na ito ay naglalaman ng "mga pahayag na patungkol sa hinaharap" gaya ng tinukoy sa Private Securities Litigation Reform Act of 1995 hinggil sa boluntaryong pagbawi ng isang lot ng Johnson's Baby Powder. Binabalaan ang mambabasa na huwag magtiwala sa mga pahayag na ito na patungkol sa hinaharap. Ang mga pahayag na patungkol sa hinaharap na nasa press release na ito ay batay sa mga kasalukuyang inaasahan sa mga kaganapan sa hinaharap. Kung mapapatunayang hindi tumpak ang mga pinag-uugatang pagpapalagay o maganap ang mga alam o hindi alam na panganib o kawalan ng katiyakan, maaaring malaki ang pagkakaiba ng mga aktuwal na resulta mula sa mga inaasahan at projection ng Johnson & Johnson Consumer Inc. at/o Johnson & Johnson. Kasama sa mga panganib at kawalan ng katiyakan ang, ngunit hindi limitado sa: pagkamabisa ng produkto o mga alalahanin sa kaligtasan na magreresulta sa mga pagbawi ng produkto o pangkontrol na pagkilos; malawakang paglilitis o pagkilos ng pamahalaan batay sa hindi magandang pangyayari, kasama na ang nauugnay sa mga claim sa pananagutan ng produkto; kawalan ng katiyakan ng tagumpay sa komersyo para sa mga bago at kasalukuyang produkto; ang kakayahan ng kumpanya na matagumpay na magpatupad ng mga istrategikong plano; mga problema o pagkaantala sa pagmanupaktura, nang internal o sa loob ng supply chain; mga pagbabago sa mga naaangkop na batas at regulasyon; mga pagbabago sa mga pattern ng pag-uugali at paggastos ng mga tagabili ng mga produkto at serbisyo ng pangangalagang pangkalusugan; at mas mahigpit na pagsisiyasat sa industriya ng pangangalagang pangkalusugan ng mga ahensya ng pamahalaan. Ang mas detalyadong listahan at mga paglalarawan sa mga panganib na ito, kawalan ng katiyakan at iba pang salik ay maaaring makita sa Taunang Ulat ng Johnson & Johnson sa Form 10-K para sa taon ng pananalapi na natapos noong Disyembre 30, 2018, kasama na sa mga seksyong may caption na "Paalala para sa Pag-iingat Hinggil sa Mga Pahayag na Patungkol sa Hinaharap" at "Item 1A. Mga Salik ng Panganib," sa Quarterly na Ulat na pinakahuling naihain ng kumpanya sa Form 10-Q at sa mga kasunod na paghahain ng kumpanya sa Securities and Exchange Commission. Makikita ang mga kopya ng mga inihain ito online sa www.sec.gov, www.jnj.com o kapag hiniling mula sa Johnson & Johnson. Ang anumang pahayag na patungkol sa hinaharap na ginawa sa release na ito ay nagpapahayag lang para sa petsa ng release na ito. Walang sinuman sa Johnson & Johnson Consumer Inc. o sa Johnson & Johnson ang kikilos upang i-update ang anumang pahayag na patungkol sa hinaharap bilang resulta ng bagong impormasyon o mga kaganapan o pag-unlad sa hinaharap. Tahasang itinatatwa ng Kumpanya ang lahat ng pananagutan pagdating sa mga pagkilos na ginawa o hindi ginawa batay sa alinman o lahat ng nilalaman ng press release na ito.